

Riječ direktora

Poštovana / Poštovani,

Mi u Sektoru za edukaciju Vanjskotrgovinske komore BiH, polazimo od pretpostavke da je čovjek najveće bogatstvo društva i koje zahtijeva stalno ulaganje i usavršavanje njegovih kvaliteta, ljudskih i radnih sposobnosti. Više znanja i stručnosti, bolje vještine i sposobnosti, uz adekvatne kvalifikacije, su jedan od faktora koji određuju željenu poziciju na tržištu rada. Obrazovanje i edukacija predstavljaju najbolju investiciju za maksimalno iskorištavanje ljudskih potencijala, što bitno utiče na razvoj konkurentnosti, stvaranje novih radnih mjesta, novih poslova i socijalne stabilnosti, a u skladu sa potrebama tržišta rada sa traženim kvalifikacijama predstavlja realnu potrebu današnjice. To je proces stalne nadogradnje i povećanja znanja stečenog u formalnom školskom sistemu sa ciljem da se usavrše postojeće sposobnosti i steknu nova znanja i moderne kvalifikacije.

U današnjem dinamičnom, profesionalno divergentnom vremenu, niko ne može garantovati da će neko raditi jedan posao ili da će imati jedno zanimanje za čitav život. U globalizacijskim procesima, naglom utjecaju tržišne ekonomije, uviđamo kako su nove sposobnosti izuzetno potrebne. S druge strane, današnja tržišta radne snage zahtijevaju nova zanimanja i neprestano mijenjanje profila vještina, kvalifikacija i iskustva. Nedostaci vještina i njihova neprilagođenost, često su jedan od razloga nezaposlenosti u određenim regijama i granama industrije i među marginaliziranim društvenim grupama.

Sektor za edukaciju Vanjskotrgovinske komore BiH djeluje na području profesionalnog osposobljavanja i permanentnog obrazovanja s posebnim naglaskom na poduzetništvo i menadžment, sa ciljem da:

- ☒ Razvija i promovira poduzetništvo;
- ☒ Organizira i realizira konferencije i susrete;
- ☒ Povezuje ideje, novac i znanje;
- ☒ Razvija, promovira i izvodi programe poduzetničkog i menadžerskog osposobljavanja (škole, seminare, radionice, okrugle stolove, informativne skupove, licencirana osposobljavanja, projekte, itd.)

Edukacija koju pružamo, bazirana je na stalnom pristupu učenju i edukaciji, radi sticanja novih i obnavljanja već stečenih znanja i vještina, potrebnih za sudjelovanje u radu i društvu znanja, odnosno društvu koje uči.

Neki od programa pripremljeni od strane Sektora za edukaciju:

- ☒ Škola ekonomske diplomatije,
- ☒ Škola vanjskotrgovinskog poslovanja,
- ☒ Stručnjak za EU fondove,
- ☒ Škola poslovne administracije,
- ☒ Škola poslovnog engleskog i njemačkog jezika,
- ☒ ECDL škola računara,
- ☒ FIATA škola špedicije,
- ☒ IRU akademija,
- ☒ Specijalistički seminari iz oblasti izvoza, prodaje i marketinga, te druge škole, radionice i specijalistički seminari.

Za potrebe preduzeća, mogu se pripremiti seminari, tečajevi i radionice u preduzeću, sukladno zahtjevima i potrebama naručilaca. Ti su programi kombinacija savjetovanja i tržišno usmjerenog

obrazovanja, i u cijelosti su prilagođeni naručiocu ili skupini naručilaca. To mogu biti potpuno novi projekti po želji naručilaca, ali i projekti iz redovnog obrazovnog programa Sektora za edukaciju, svakako prilagođeni naručiocu glede vremena, mjesta i metoda izvođenja nastave, predavanja i treninga.

Sektor za edukaciju Vanjskotrgovinske komore BiH svoje programe i projekte obrazovanja implementira u skladu sa EU standardima koji su temeljeni na vrhunskoj kvaliteti, visokoj dodatnoj vrijednosti, modernim, dinamičnim i interaktivnim metodama edukacije i treninga, koji rezultiraju znanjem upotrebljivim u poslovnoj praksi preduzeća.

Dobro nam došli.

Dr.sci. Elma Kovacevic-Bajtal, direktor